

〔嘉靖〕山東通志四十卷

(一)

〔明〕陸欽等纂修

山東省圖書館藏明嘉靖刻本

山東通志叙

山東通志者通志山東也山東總志六郡諸州邑皆古列國之故墟其山川人物事蹟紛錯不一或割裂於昔而統會於今或舊屬於彼而新隸於此古今國邑不同事文貫絡不絕通而志之宜也自昔哲父迭興光昭簡冊惟孔子之生於是天下萬世宗而師之遂使山東以誕聖聲宏天下顧舊志宋寥無聞曾不若遐荒下邑識者病之嘉靖壬辰予承乏按是邦受

命而來見藩臬彬彬作者有人乃間以是論之適提學憲副陸君舉之得先提學余子華氏志草出以相視因與共圖成之於是檄有司咨故老徧訪山澤聞儒請發鄉士大夫之家藏掇拾殘碑斷碣所謂周彝孔鼎岱山鄒嶧之石刻散落於山崖丘莽之間凡遺蹟往跡墟而未湮蕪而未泯者搜括殆盡而其顯然散見於經史子集者則任探索浩瀚而必致也於是議纂修之職僉推讓以大叅陳君魯南與陸君任其事召屬吏之蘊藉素深者輔之請于巡撫靜菴素公以是歲六月開局越一歲有奇書成蓋亦偉矣惟時兩司方伯邵君思抑楊君

秉節憲長屠君安卿輩屬予爲序予不敏且日近
案牘舊業益荒固遜於秉筆諸君使各叙其著述
大意既而言不容已乃復之曰卓哉予行蓋嘗由
歷山至徂徠望嶽涉濟瀆汶陽東觀于海於是見
少皞之都虞舜之井周明堂魯靈光秦漢登封駕
海之輟延數千百載不隨谷變脉脉可考遐哉邈
矣其詩書之遺乎又嘗抵琅邪登孤山過平原蘭
陵歷覽諸侯盟會卿士大夫聘問之墟縉紳學士
談經授業之窟而采薇之歌遊豫之咏麥丘北郭
之辭颯颯乎猶可想見其子史之載乎又嘗閱東
蒙龜見陟嶧山歷洙泗而扣兩觀之基三遷之址
凡陋巷牖甕之居浴沂耕魯逃汶之地與夫隱處
辟仕彈琴絃誦之邑隨在未淪而顯其存鄒魯之
流風矣昔太史公徧遊海內適魯觀仲尼廟堂車
服禮器低回留之不能去曰想見其爲人可謂至
聖矣卓哉予行亦將以采風焉蓋嘗知其可志之
大者已故志也者典章存焉政化繫焉顧齊魯政
俗不同爲治貴審所尚而已耳昔者周公以尚父
伯禽報政而預斷其後世有強弱之異而孔子論
齊魯一變拳拳焉思復文武之初歷代世變千有

餘年至我

皇明混一區宇禮樂大興山東中接兩京涵濡
聖化久而且近相襲文教之傳所在敦尚詩書禮義
之習文獻之盛望於天下而此志之作亦其時矣
予旣得而讀之其考古博稽幽精揆格整其據跡
而述事也辯而覈脩辭而正義也詳而莊蓋草創
潤色裁正銓次咸得其人各盡所長煥乎成文足
以徵諸有政而傳之四方矣然予竊有懼焉山川
形勢迷矣而懼夫經野正域之規久則或紊田賦
戶口迷矣而懼夫租庸伸縮之制久則或耗封建
職官迷矣而懼夫沿革守掌之戒久則或厯漕河
城池兵防迷矣而懼夫脉絡之通時變之禦久或
忘危失險而屈其力述聖賢文藝則道術明經義
顯矣懼其久而澤熄文敝而正脉誰與崇述名宦
人物則政績著行業昭矣懼其久而風韻漸衰而
名實誰與辯述學校祠祭則世教盛物采彰矣懼
其久而傳文虛飾而古雅誰與振述孝義貞媛則
端本尚行而風斯行矣而懼夫孳孳之困厄
誰與恤故志也者所以明典章而寓政化者也論
治恢張之本酌時變通之機必有嘗究心於此者

古今勢殊化與有漸作止而新之存乎其人耳惟周公克知其終惟孔子欲還其始亦在夫審所向而已矣予從事已久時時復

命故於志之成也而以此言序其端云

嘉靖癸巳六月既望

賜進士文林郎巡按山東監察御史新安方遠宜撰

山東通志叙

嘉靖癸巳夏五月山東通志刻成凡四十卷爲目五十有二附目十總若干萬言叙曰山東古青兗之域奄有齊魯岱宗渤海巨其坤維大庭爽鳩流其德化孔子孟軻垂其道統方岳之勝視諸方爲最矧當王畿之南千里而近藩輔之寄視諸方爲尤重夫正疆域攷山川辨名物紀故實以觀民風以弊吏治莫大乎志蓋在諸方皆弗可闕焉者而况於方岳之勝藩輔之重者乎所部郡邑間亦有志然闕者居多

明興垂百七十年未有通一方而彙爲全書者謂非曠典與嘉靖壬辰憲副四明陸舉之氏以視學至嘗得前視學余子華氏所爲志稿十二卷嘉其有志於斯而歎其屬草於門人未及定正不無踵陋承譌小得大遺之病欲身任之顧其事重未能卒就維時侍御荀莊方公來按茲土首詢及之曰可少是哉中丞靜庵袁公定當撫臨深以荀莊公之言爲然謀是用協迺因陸子之請而亟可之徵陸子主其事大叅四明陳魯南氏贊之於是定例以正義分門以聚類挈綱以統目選屬吏之有文學

與諸生之秀拔者分任編摩校讐之職博求郡邑
旁採稗官攬摭藝文苑漁淪逸會源委咀菁華覈
根據從體要酌豐約考同異剖疑似務該暢由是
事極鴻纖理通曠昧世括今昔倬然勒成一家人之
言彬彬乎可讀矣蓋其論著發揮之旨刪訂補竄
之功多出於陸子之手舊稿之存十不能一開局
於壬辰夏五月訖事於癸巳春三月歷四時而一
方之書於是大備吁亦勤矣夫自八索九丘之書
亡而禹貢職方嗣之有述周禮大司徒之職掌建
邦之土地之圖與其人民之數小史掌邦國之志
莫繁世辨昭穆方輿之紀先王重之故周志鄭書
傳記可稽秦雖無道圖籍猶存漢氏以來輿地圖
經代各有作金元之變人文漸燼我
明御寓一統是志其大司徒掌建之意與維茲通志
其亦小史所掌之意與嗟乎方輿之紀先王所以
重之者豈將侈文執資博洽為哉辨封域則保又
存考沿革則興廢著察形勝則鑒誠昭審風俗則
汗隆係計戶口則息耗明驗方物則貢賦經覽山
川則封瀆寓秩祀典則功德報定官制則職守修
采人物則勸懲行綜藝文則述作備本之所以廣

學推之所以立政申之足以養業垂之足以示遠
謂可以無作也哉讀是書者當以此意求之茲舉
也濟南守楊撫高唐判張寅詔以有勞焉臨淄令王
一槐高唐學正王應槐萊蕪教諭劉應祥定分任
之方伯邵君思抑楊君秉節陳君原習憲使屠君
安卿寔贊成之維聰以運事役于京不獲與執筆
後歸而睹其成也故受命而為之敘
賜進士及第大中大夫山東布政使司右叅政前右
春坊右中允

經筵講官同脩

國史因安楊維聰撰

山東通志叙

山東之地自晉五胡倡亂琅邪東渡慕容僭號先王之遺文舊典聖賢之道德辭訓其迹寔滅墮混一以後聲教漸聞迄宋建炎之難完顏內侵河東淮北遂為其地至蒙古則海內盡汙于狄中原之文獻不復可考矣

天啓

皇明我

高皇帝汎掃華夏奠正區宇以修先王之禮樂百年始大興

英皇乃命儒臣追引往迹蒐輯淪匿用禹貢職方之遠意為輿地一統志而山東郡縣之事得見於所載焉正德間中丞白沙黃公舉六郡志事未就嘉靖初余憲副子華嘗手譔志草亦未成而去九年庚寅沂轉官茲省得觀白沙公所取古史傳略凡十餘卷他皆未就余志未之見越二年壬辰巡按侍御栢莊方公至首詢志事適陸憲副舉之有督學之任得余志草十有二卷具事請于兩臺巡撫中丞靜庵素公曰志不作六郡無史矣當亟成之方公喜曰事徵文獻鄰魯之邦志可闕乎當亟成

之惟所具事咸可其請遂屬筆於陸憲副而濫及於沂乃召高唐張判官寅臨淄王知縣一槐暨唐王學正應槐萊蕪劉教諭應祥濟南歷城庠生六有餘人同事編摩濟南楊郡守撫亦與其事六月十有六日開局於貢院迄明年三月稿成人物初取白沙公稿餘取余稿至考正訛謬搜索遺亡實分局者之功而別立凡例裁定可否總論顛末則皆出陸憲副之手沂附之於舊草僅存其十一耳沂按禹貢九州山東在青兗南北廓有徐冀而西連於豫地若是其大矣高山惟岱大川惟海封國之域惟齊魯曹宋大聖生於魯顏閔諸賢育者七十餘人孟子生於鄒六經諸家之學盡在於是雖中原屢喪而人文之宜昭與海岱同高深又他省之所未及也夫山川以昭其勝人物以昭其靈宦蹟以昭其政典籍以昭其文此志之大者皇明時夏之盛炳然卷冊稽諸于往世代之滅否風俗之美惡人事之得失可以為鑒其戶口之耗力役之繁經費之多可以為警大志豈徒作哉嗟乎是書之成前後凡二十餘年信乎有所遇也首末簡當有序實惟臺院初方伯邵君思抑楊君秉節

今陳君原習憲長屠君安卿章皆嘗具事以請復
屬筆於予二人沂不敏無能為役謹序夫志之所
由作焉

賜進士出身大中大夫山東布政使司左叅政奉
敕總理稅糧前翰林院侍講

經筵講官同修 國史四明陳沂撰

山東通志叙

山東文獻名區維昔虞韶在齊周禮在魯先王流
風善政洋洋乎颯颯乎至于今不衰則固文獻之
遺矣夫志以稽事載典章往詔來於文獻不重且
大乎迺曠焉弗修者幾百有餘年嗟乎是直一方
之缺耶蓋天下之文獻繫焉何者海岱天下山川
之宗也聖賢天下人物之望也六經天下文章之
祖也咸在茲土是故志一方而徵諸天下莫備乎
山東矣迺今人輒曰邦舊者易湮文盛者難述又
或諉曰志非一時所能就而亦非吾一人責也夫
其諉之者既無志難之者又不力廢將誰與興哉
嘉靖壬辰欽視學山東訪先學憲余君子華家得
志草十餘卷例繁而載畧編亦未就竊嘗欲刪訂
嗣成之顧奪於校藝未遑焉無何都臺靜菴袁公
柱史宿莊方公蒞山東慨茲陸典協謀毅舉欽遂
得為請許之迺同于藩叅陳君魯南更立名例刻
期張局檄高唐判張君寅輩集諸庠彥分類編摩
酌繁簡剖疑難補遺正訛而宿莊公按部所至輒
採詢故實致之越明年癸巳志成為卷四十為類
五十有二為附類凡十於是舊志所存無幾矣或

廼言曰山東遭胡元兵燹之餘文史散佚子之爲是志也曷徵乎余曰禹貢以辨封疆述土貢周官以明規制春秋左氏國語歷代史以考沿革紀盛衰美惡諸子藝文以辨方物陳土風文史未嘗亡也曰子之用志勤且博矣抑山東紀載有一于茲乎曰晏謨撰齊地紀李肅撰三齊紀阮叙之記南兗虞孝恭記南徐張建章記渤海唐之河南宋之京東咸列圖經今其全書雖不盡見而採拾於鄺道元之水經註鄭漁仲馬端臨之志考羅泌之路史祝和父之方輿勝覽與夫寰宇一統諸志斑斑可考山東未嘗無載籍也曰然則如斯已乎曰堯墟舜井之蹟靈光孔壁之歲大庭空桑爽鳩對尋之故址嶽鎮瑯邪登封之舊轍海王碣石之奇觀傷麟歌鳳琴臺劍塚之遺墟蓋嘗歷覽周詢得諸東人之口述焉斯不足備志實耶是故古今者跡焉爾矣興廢者文焉爾矣考跡則世故明因文則典章著孔子曰所損益百世可知也故是志也稽往質諸訓紀事核其實纂言會其精據簡冊者多于耳目搜遐邇者詳於辯證是故以體國經野則矩協以考俗準治則政達以彰淑慝應則鑒昭以

正名辨物則典究網陳目舉燦然可徵庶幾備一方之缺云爾廼若紀載窮於日力是非謬於去取言之無文行之弗遠余方負大懼焉所謂繫天下之文獻云者余豈敢哉余豈敢哉

賜進士及第中憲大夫山東按察司副使奉
敕提督學政前翰林院修撰同修
國史四明陸鈇撰

山東通志目錄

卷之一

圖考

卷之二

建置沿革上 有表

卷之三

建置沿革下 有表

卷之四

星野 疆域

卷之五

山川上

卷之六

山川下

卷之七

形勢 風俗

卷之八

物產 田賦 戶口 附民役

卷之九

封建 王府 附

卷之十

職官

卷之十一

兵防

卷之十二

城池

卷之十三

漕河 附海運

卷之十四

橋梁 附開壩

卷之十五

公署

卷之十六

學校 附書院

卷之十七

科目 附滿奉

卷之十八

祠祀

卷之十九

陵墓

卷之二十

寺觀
卷之二十一
宮室
卷之二十二
古蹟
卷之二十三
帝王 <small>后妃附</small>
卷之二十四
聖賢 <small>聖裔附</small>
卷之二十五
名宦上
卷之二十六
名宦中
卷之二十七
名宦下 <small>外傳附</small>
卷之二十八
人物一
卷之二十九
人物二
卷之三十

人物三
卷之三十一
人物四
卷之三十二
人物五
卷之三十三
人物六 <small>外傳附</small>
卷之三十四
流寓 仙釋
卷之三十五
孝義 列女
卷之三十六
藝文
卷之三十七
遺文上
卷之三十八
遺文下
卷之三十九
災祥
卷之四十

雜志


右共計目二十六附目十共四十卷

山東通志目錄終

山東通志卷之一


圖考

周禮大司空以天下土地之圖周知九州之地域
 廣輪之數漢收秦圖籍知天下阨塞置司空郡國
 地圖唐之元和十道宋之元豐九域咸列圖經蓋
 先王疆理天下之務莫斯為要矣山東為古青兗
 沃壤經春秋戰國諸侯裂土分治秦漢而下更置
 郡縣離合分併亦既不一考方辨域者恒難焉矧
 夫九河堙而齊疆非故六典亡而魯國為墟海岱
 巨觀周覽不能窮其勝聖賢遺跡載籍不能紀其
 詳圖其可已乎迺據禹貢本職方定以
 皇朝疆域及歷代圖經證以諸家記載作為圖考總
 列簡端使夫觀者不出戶而可以知一方之險易
 不待旁搜浩籍而古今沿革城郭道里之故山林
 川澤丘陵墳衍原隰之分燦然若在吾目中也其
 序則山東府縣總圖先之六府圖次之分野四圖
 又次之曰泰山曰渤海曰沂山曰濟河曰關里曰
 漕河曰海運非一州一邑可得而私者亦為圖特
 表于前又次之






山東古青兗徐之地視秦在大行山之東故稱山東
 然孟曰東夷周曰河東秦漢以下曰東秦曰東郡
 曰京東其為東方之國舊矣嘗觀古輿地圖青州東
 距于海西至于岱兗州東南據濟西北距河徐州北
 連岱境南通長淮實今六郡之全境云或曰漢晉以
 來或稱山東為兗冀何曰先王疆域紊亂史傳之訛
 也禹貢冀州既載壺口治梁及岐既修太原至于岳
 陽覃懷底績至于衡漳自今觀之有一為山東州縣
 否乎又曰濟河惟兗州九河既道雷夏既澤濰沮會
 同桑土既蠶是降丘宅土其貢賦則浮于濟漯達于
 河今九河故道多在濟南境雷澤在濰濰沮在蒙泗
 桑間濰上實惟桑土濟漯達河斯為達冀兗冀疆界
 固自明也而欲援冀為山東豈不謬哉或曰今兗州
 與古兗若何曰古之兗兗也今之兗徐也合徐兗而
 治之也禹貢海岱及淮惟徐州爾雅曰濟東曰徐州
 蔡氏所謂岱陽濟東是已故今之兗合徐兗而治之
 非古兗也周禮河東惟兗州山曰岱數曰大野川曰
 河涉浸曰盧維考其疆域視禹分土之時亦已不同
 故禹佐舜治天下兗徐各置一牧周併徐入屬青又
 分青入兗自濟以南皆屬焉及周公封于曲阜伯禽


爲魯侯遂主泰山之祀故夫合徐充而治之者助諸
 魯之受封也或曰今青州與古青州若何曰古青州
 合登萊濟南地今青州特古青州之一隅耳禹貢海
 岱惟青州嶠夷既畧濰淄其道又曰萊夷作牧是已
 周滅商以營丘封太公望爲齊國齊務兼併遂奄有
 青土秦滅諸侯置爲齊郡青州尚未分析至漢始分
 青州西境爲濟南東境爲北海齊瑯邪千乘東萊五
 郡而古青州之域不可復考矣曰青州何以謂之齊
 也口通考云齊在天中猶腹臍也漢志曰齊所以爲
 齊以天齊淵故也然漢志之說近之矣或曰青充徐
 三州風土何以異曰青東方也居少陽其色爲青生
 生不已也充之爲言端也信也陽精端端故其氣穢
 殺也徐之爲言舒也有舒緩之義焉是故觀青徐充
 風土之異而山東六郡之政理可圖矣



方岳視古十二牧之職專制一方是故不據名勝不
 足以壯藩屏之勢不當要害不足以稱都會之區歷
 城面山枕湖引濼通濟充冀出其衝青徐達其境風
 土既厚道里適均故省治設焉然自三代以來齊封
 營丘魯封曲阜漢兗州刺史治昌邑青州刺史治臨
 淄徐州刺史治郯未聞治濟南者南宋孝建二年始
 移青州治歷城未幾復治東陽元魏置齊州復治歷
 城唐宋以來率多因之元人置山東東西道則宣慰
 司治益都廉訪司治濟南
 國朝初置山東行中書省于益都九年改置布政司
 於歷城於是三司並設郡邑聯屬
 藩封開府城衛森嚴官師政令之所先聲名文物之
 所萃歷城遂為六郡之首地矣







余嘗考六郡封域辨其物土民性之殊西北曰濟南
 其治為州四縣二十六其域為青兗其名山為岱嶽
 為徂徠為梁父為華不注為長白為王符為響為宮
 為原其巨浸為濟為濰為汶為泗為沂為巨合其地
 濕沃其民豐聚其利金銅其穀多黍正南曰兗州其
 治為州四縣二十三其域為徐兗其名山為龜為蒙
 為鳧為嶧為嶧為陪尾其巨浸為沂為濟為汶為泗
 為汶為洸其地厚衍其民遜讓其利絲織其穀宜四
 種正西曰東昌其治為州二縣十五其域為兗其名
 山為君山為陶為歷其巨浸為漳為衛為滹為瓠子為
 鳴犢其地平阜通津其民饒庶其利綿織其穀多黍
 麥北曰青州其治為州一縣十二其域為青其名山
 為沂為瑯邪為雲門為蒙陰為胸為艾其巨浸為淄
 為渰為沂為沐為時為巨洋其地險阻其民濶達其
 利鐵陶其穀多稻麥東北曰登州其治為州一縣七
 其域為青其名山為丹崖為石門為羽為成為之杲
 為峒嶠其巨浸為清洋為大沽為密為濬為昌其地
 僻遠其民朴直其利海錯其穀多稷菽正東曰萊州
 其治為州二縣五其域為青其名山為天柱為大澤
 為不其為勞其巨浸為沽為丹為膠為濰其地剛

其民敦本其利贖鐵其穀多稷菽是故以同貫利以
 齊好惡設牧各效其能制貢各因其有正俗各導其
 趨齊之富疆魯之禮教庶幾可復焉其為海岱名邦
 詎不信夫

齊分圖

